

NË EMËR TË POPULLIT

GJYKATA THEMELORE NË PRISHTINË - Departamenti i Përgjithshëm, me gjyqtaren Anita Krasniqi Prenaj, me sekretaren juridike Fexhrie Tashevc, në çështjen penale kundër të akuzuarit M.J., i akuzuar sipas aktakuzës së Prokurorisë Themelore nga Prishtina, PP/II.nr.6424/17, të datës 12.01.2018, për shkak të veprës penale Rrezikim i trafikut publik nga neni 378 par. 6 lidhur me par. 1 të KPRK-së, duke vendosur lidhur me kërkesën Prokurorisë Themelore në Prishtinë për dhënien e urdhrit ndëshkimor: dënim me gjobë, me datë 08.05.2018, mori:

A K T G J Y K I M

Pranohet Kërkesa e Prokurorisë Themelore në Prishtinë PP/II.nr.6424/17, të datës 12.01.2018, gjykata jep këtë:

URDHËR NDËSHKIMOR

I akuzuari:

M.J., nga i ati N. dhe e ëma H., e gjinisë I., i lindur më datë ..., me nr. personal ..., me vendbanim në fshatin B., Komuna e D., shqiptar, shtetas i Republikës së Kosovës.

ËSHTË FAJTOR

Sepse:

Me datë 17.10.2017, rreth orës 15:5 min., tek rreth rrotullimi në rrugën "N.T.", në F.K., derisa ka qenë duke e drejtuar automjetin e tipit "Peugeot 206", me ngjyrë të bardhë, me targa ..., ka vepruar në kundërshtim me nenin 120 të Ligjit mbi rregullat e trafikut rrugor, duke rrezikuar jetën e njerëzve, në atë mënyrë që duke mos mbajtur distancën e duhur ndaj pjesëmarrësit në komunikacion tani biçiklistit me pjesën e përparme të anës së djathtë, në gomën e pasme e godet biçiklistin tani të dëmtuarin A.S., i cili ishte duke lëvizur përpara, me ç'rast i njëjti pëson ndrydhje të indeve të buta të regjionit i dorë dhe të dy gjunjëve të këmbëve të shaktuara nga veprimi mekanik i mjetit të fortë mbretës dhe si të tilla klasifikohen si lëndime të lehta trupore me pasoja të përkohshme për shëndetin.

- **Me këtë ka kryer veprën penale Rrezikim i Trafikut Publik nga neni 378 par. 6 lidhur me par. 1 të KPRK-së.**

Andaj, gjykata konform neneve 7, 17, 21, 41, 43, 46 të KPRK-së, si dhe neneve 365 dhe 495 të KPPRK-së, shqipton këtë:

DËNIM ME GJOBË

I akuzuari M.J. dënohet me gjobë në shumë prej 200€ (**dyqind euro**), të cilën mund ta paguaj me dy (2) këste mujore në afatin ligjor nga dita e plotfuqishmërisë së aktgjykimit.

Nëse dënimi i shqiptuar në të holla nuk mund të ekzekutohet, gjykata të njëjtin do ta ekzekutoj duke i caktuar nga një ditë burgimi për 20€ të gjobës.

Obligohet i akuzuari që të paguaj shpenzimet procedurale për ekspertizën mjeko ligjore, shumën prej 20€, për ekspertizën e komunikacionit shumën prej 40.88€ si dhe paushallin gjyqësor shumën prej 20€, nga dita e plotfuqishmërisë së këtij aktgjykimi.

Pala e dëmtuar, për realizimin e kërkesës pasuroro – juridike, udhëzohen në kontest juridiko – civil.

A r s y e t i m

Prokuroria Themelore në Prishtinë – Departamenti i Përgjithshëm, me aktakuzën PP/II.nr.6424/17, të datës 12.01.2018, ka akuzuar M.J., se ka kryer veprën penale Rrezikim i Trafikut Publik nga neni 378 par. 6 lidhur me par. 1 të KPRK-së, dhe ka ushtruar kërkesë për dhënien e urdhrin ndëshkimor me arsyetim se ka prova të mjaftueshme dhe të besueshme nga kallëzimi penal që vërtetojnë kryerjen e kësaj veprë penale nga i akuzuari.

Gjyqtari i çështjes me rastin e shqyrtimit paraprak të çështjes, konform nenit 493 të KPPK-së, gjeti se janë plotësuar kushtet nga neni 495 të KPPK-së, dhe pranoi kërkesën për dhënien e urdhrin ndëshkimorë si në dispozitiv të këtij aktgjykimi.

Kjo gjykatë konsideron se provat e bashkangjitura në shkresat e lëndës, mendimi dhe konstatimi i ekspertit mjeko-ligjor, Dr. B.N. - C., e dt. 12.12.2017, ekspertiza e ekspertit të komunikacionit ing. Z.S., të dt.07.11.2017 si dhe shkresat e tjera të lëndës janë prova të besueshme mbi bazën e të cilës vërtetohet se i pandehuri ka kryer veprën penale për të cilën akuzohet.

Vendimi për kompensimin e shpenzimeve të procedurës dhe paushallit gjyqësor u mor konform nenit 450 të KPPK-së.

Vendimin për udhëzimin e palës së dëmtuar në kontest juridiko – civil, gjykata e mori në bazë të nenit 463 par. 2, të KPPRK-së.

Nga sa u tha më lartë në bazë të neneve 365 dhe 495 të KPPK-së, u vendos si në dispozitiv të këtij aktgjykimi.

GJYKATA THEMELORE NË PRISHTINË P.nr.115/18, të datës 08.05.2018

**Sekretarja Juridike
Fexhrie Tashevc**

**G j y q t a r j a
Anita Krasniqi Prenaj**

KËSHILLA JURIDIKE:

Kundër këtij aktgjykimi, i pandehuri apo mbrojtësi i tij mund të paraqesin kundërshtim në afatin prej 8 ditësh, nga dita e pranimit të tij, në këtë gjykatë.